

INSTITUT ZA ZDRAVLJE I SIGURNOST HRANE ZENICA
ul. fra Ivana Jukića br. 2., Zenica
Broj: 02- 4292/25
Zenica, 17.11.2025.godine

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj: 39/14, 59/22 i 50/24), direktor Instituta za zdravlje i sigurnost hrane Zenica, donosi

ODLUKU **o poništenju postupka javne nabavke**

Član 1.

Poništava se postupak javne nabavke roba – Nabavka laboratorijske opreme - **LOT 4 – Rashladni uređaji** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici ugovornog organa (www.inz.ba), u skladu sa člancem 70. stav 6. Zakona o javnim nabavkama.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-3962/25 od 17.10.2025.godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-1-255-3-121/25 cana 17.10.2025. godine. Postupak nabavke provela je Komisija za javne nabavke imenovana Rješenjem broj: 02-3963/25 od 17.10.2025. godine.

Do predviđenog vremena za dostavu ponuda zaprimljene su ponude ponuđača D.o.o. „EURO LAB“ Bijeljina i APICAL d.o.o. Sarajevo. Nakon ocjene predmetnih ponuda, Komisija je ponudu ponuđača D.o.o. „EURO LAB“ Bijeljina za LOT 4 - Rashladni uređaji, ocjenila neprihvatljivom zbog neispunjavanja uslova propisanih tačkom 4.2 c) tenderske dokumentacije, uključujući dokument kojim potvrđuje da ima ovlaštenje za zastupanje i prodaju na području Bosne i Hercegovine, kao i dokument izdat od proizvođača opreme kojim se potvrđuje ovlaštenje za servisiranje opreme na teritoriji Bosne i Hercegovine.

Naime, ponuđač je kao dokaz o ovlaštenju dostavio dokumentaciju koja glasi na firmu SUPERLAB d.o.o. Beograd (ovlašteno zastupanje i certifikat ovlaštenog serviseru, te ugovor o poslovnoj saradnji).

Budući da se ne radi o grupi ponuđača, navedeno nije prihvatljivo za ugovorni organ i ne dokazuje ispunjenje traženih kvalifikacionih uslova.

Također komisija je utvrdila da ponuđač APICAL d.o.o. Sarajevo dostavio ponudu koja je ocjenjena kao nepravilna. Budući da je dostavio izjavu o usklađenosti sa evropskim direktivama, u kojoj je na desnoj strani tekst na engleskom jeziku, a na lijevoj strani na bosanskom jeziku ali bez potvrde sudskog tumača, te katalog/brošuru prevedenu uz potvrdu sudskog tumača., ali bez originalne dokumentacije sa koje je prevod izvršen, zbog čega nije bilo moguće utvrditi vjerodostojnost prevoda. Imajući u vidu navedeno, ponuđač nije dostavio tražene dokaze u

skladu sa zahtjevima tačke D-11 tenderske dokumentacije, kojom je propisano da se ponuda dostavlja na jednom od službenih jezika Bosne i Hercegovine, na latiničnom ili ćirilicnom pismu, te da se za dokumentaciju na drugom jeziku obavezno prilaže prevod ovlaštenog sudskog tumača zajedno sa originalom dokumenta.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je utvrđeno da nema dostavljenih prihvatljivih ponuda u naznačenom lotu, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1x D.o.o. "EURO LAB" Bijeljina
1x APICAL d.o.o. Sarajevo
1x www.inz.ba
1x arhiva



DIREKTOR

Dr.sci. Muamer Mandra, DVM

19/19